

太上助國救民總真秘要序

對一

臣竊聞

太上開化運真氣以育群生正一傳宗闡明威而顯幽諫然則神章妙典雖遇時而當出元科真律實戒之於妄傳恭承仁聖在上受天寶命闡揚至道可謂至矣近又建寶錄之官於都城設傳度之壇於禁近拯濟符藥保安黎元受厚惠者日有十人向真風者十踰八九哀訪仙經補完遺闕周於海寓無不畢集繼用校讎秘藏將以刊鏤傳諸無窮俾天下洽於淳古人民敦於性命可謂道炁純全之運太平萬世之時也臣夙遭幸會叨居羽屬遊歷四方名山靈嶽尋訪師法三十餘年粗得衆要備其施用敢不激勵于其時者哉臣曩寓南陽遂嘗以符水拯其疾苦僅及數年仕民獲効者不可勝數一旦叨承詔旨遣赴闕門繼蒙命號誥錫之寵自揣何功上報天澤臣於前歲七月被旨差入經局詳定訪遺及瓊文藏經開板符篆因得竊覽經錄殆至周遍神章寶象靡所不有獨於救世治療

符法適時可施之術殊為隱闕未有完顯備用之文臣不敢惜其所聞忘其淺陋輒以所授符法秘用口訣分為十卷名曰太上助國救民總真秘要繕寫成編冒昧上進庶以少裨聖志搜揚道法萬分之一且獲資於後學少益見聞亦愚臣在道之至願也政和六年閏正月十五日臣妙宗謹序

太上助國救民總真秘要卷之一

洞山法師元妙宗編

上清北極天心正法序并驅邪院請治行用格

臣聞天心之法北極中斗之法也北極者天之中極萬象之所會北斗者天之中斗萬炁之所稟故為天之心則其法本之於此也同出乎正一之宗為効治之樞轄自昔饒君夙著陰功簡在天意神付真籙受訣紫霄嗣系遞傳其法透明之于世若乃致召福祉絳息邪戾統辨陰陽之理分諫幽顯之情事靡不備法用簡要莫大於斯近世高行之士助天行化輔國救民尤尚此法其於施用功驗或鮮者蓋由傳受不該於精博學之未詳於至街道力罔周神奇難備徒崇名實反何益之於事哉臣謹將本法兼秘授口訣撫集符印步綱躡斗旁通之要盡其隱奧闡未明之旨略已見之文貴在行持曲達元妙庶於流演津利無涯矣按律天心正法太上秘訣凡傳授須按年

限告明科典之式真靈報應之驗乃可施用不許妄授違擅科禁犯者不唯神氣不行又有幽顯考罰殃咎非輕其傳度自有典儀具於後卷學者宜以此審知耳

祈求讓請

一國家祈求雨澤或久晴不雨或螟蝗災蟲為害人民災傷妖星照臨分野或邊寇侵境陣敵臨尅蛟龍水怪漂蕩人物傾覆舟船如此等類事無巨細並用飛奏

上天請天兵誅滅及申請天星府五嶽四瀆四海九江龍神牒本屬城隍山川道路合屬地分及六丁六甲雲雷兩部須得當任掌首靈司或民庶投狀稱說某界內為某事已於某處開建道場壇席恭俟感應後當修設大醮以謝

天恩具狀保奏差來吏兵還治進爵加秩以為効信務要精誠克彰靈應若或懈慢則四司彈糾三官考錄有違天科罪當不赦

癩邪鬼祟

一治癩邪鬼祟先取本人詣實文狀據其事理合用申行去處先割付本家司命五道土地次牒所屬州縣城隍或奏本部兵將收捉或用奏

上天建立天獄收捉鬼祟凡申發文字及差兵將先用賞設訖方給帖牒關引等付之案今奉行次給符水與病人吞佩蒙恩之後再用賞兵及修設齋醮謝天以答靈其齋醮法信量富堂餘為之如妻貴家貧不能辦者師為代備之若富者蒙恩之後却性財物不修報謝有味矣將之功即反招殃咎難以讓解

山魃精怪

一山魃精是五行不正之精詐稱賢聖私通婦女起水放火拋擲磚石引弄六畜變現光怪依附生形晝夜遊走驚懼人口一切怪異先詳看狀詞情理切害者咸依上條飛奏

上天申某嶽借兵或牒本處城隍其所用法信賞一如上例

傳尸復連

一斷絕傳尸復連解呪詛等並先取本人狀

詞稱為某人所患某疾本家曾於某年月日某人因此疾亡或後來又因此疾亡幾人須一一具亡過姓名或曾作甚功德追薦未退即當飛奏

上天及申東嶽乞移牒地府給假差人押赴某處生天臺露迹顯現聽受經法當建黃籙道場晝夜沐浴化衣設食受戒焚龍童子傳

太上救苦真符拜奏章表立名追薦薦畢差四直使者齋券驗壇牒押亡人下地府

計會功德司及生天案官吏與依例受生後賞兵訖下醮蓋法永斷後患及付符水與病人吞佩若頓夢先亡來為禍害附著人體指說事理若非外鬼當須功德薦助生界凡係同親尊長及從房骨肉為祟亦用追悼可得存亡共濟患害不與事訖謝兵一如上例其呪詛如有因此死者量力貧富合作功德拔贖訖次行申奏止絕呪詛之處干繫符廟不得舉行須管永遠斷絕

遺治瘟疫

一發遺瘟部鬼神傷寒熱病瘰豆赤眼口瘡五癘寒熱狂邪瀉痢等病服藥不退祈禳不應者先取本人事狀詣實申牒劄付所屬或飛奏

上天令修醮謝罪懺雪過犯方給符水吞佩牒十二年三收攝先行毒藥毒氣不得傳染家門仍以靈符鎮斷及下齋蓋法水遠不患瘟病仍須賞兵錢送瘟部鬼神遠去事平之日醮謝

上天以答恩祐

祈請嗣息

一祈求嗣息若人婚娶多年不生男女或乳產不育或多女無男或幼年早夭蓋為六害相刑或值孤辰寡宿或先緣積惡嗣續難成凡似此類當具夫婦生年月日時飛奏

上天及申監生注生案仍申東嶽特與注一男與某人仍付符與吞佩須令預作功德及修聖像之事伺候感應蒙恩之後當

設齋醮以謝上真所賜之恩

禳謝災病

一禳災悔過連年災害困苦林枕藥食不療祈告無驗或值星曜照臨或冤邪尅害或犯土司禁忌或先緣見世業報所櫻是致

上天譴責下鬼訴誣若欲祈禳皆先首悔修齋設醮拜表投詞冀聖道哀憫赦其過咎

破不正符廟

一破諸不正神廟謂非國朝祀典之神依草附木或盤涓泉池之中野怪山精侵人害物橫求血食與作疾病一切不祥之事若有狀詞投告當申東嶽飛奏

上天差天兵收擒詐亂邪神及焚毀祠宇按律治罪若私者香煙之祠有福德及一方之民者取東保鄉人等文狀

保明中奏上天乞賜還賞依治鬼律應正許今宜立祠廟今人承奉

廟係國家祀典之神不得曲邀祭享私受血食厭禱令人咒詛枉取生人魂魄禁閉使人入投水火自欲殘刑性命不務生理多生公訟一切疾病所作不利耗失家財

許人陳狀詳委是實申奏候報應施行若生人誤有觸犯牽及神理鑿證穢事致生災難亦許首謝不得刑害居民性命至死若有干冒雖係流仍聽求謝也

雜類邪氣等

一鬼怪雜類輒行邪氣敗壞人酒醋之類或犯禁忌家宅不寧發掘古墓伏屍為害六畜作怪生子自食蟲鼠怪鳴雌雞夜啼蛇蟻流毒入宅為害刀槍棒劍妄作聲響夜行見鬼心生恐怖鬼開閉人門戶敲打什物陳設盃器飲食使人持刀投井自縊使人或哭或歌憂悲不樂使耗散家財借人衣物放火燒宅呼人姓名鬼惡入人心腹惡夢鬼魅驚寢寐不寧使人多公事口舌夫妻不和產乳難生使人田蠶荒耗種蔣不豐經商虧折萬事不遂或新屋內鬼神聚集旋風入宅狐狸亂鳴大木無風倒折釜鳴并溢家事器物輒自行動小兒夜啼不宜男女奴婢多走牛馬瘟疫死傷白日鬼物見形怪聲光影千幻萬妖侵生靈

物之事卒述難窮今略舉此數例庶知法中有律制伏事無巨細皆有法度其或調理無憑涉於虛誑者不在行遣之限其蒙恩之後所用賞兵醮謝之禮並須隨力供給不可全關科儀神明不遠在人耳目之前苟有不生信心輕毀侮贖罪延先世禍及子孫災害鋒起悔何可及

右以上錄出法中條例備此數門品貫詳明了然可解標為圖像顯於人庶凡有患請治者按行而不疑不信輕贖者講聞而知悔此則代天濟物的不可苟求於貨財彼或請命投誠切勿違慢於科律應詣當院投狀及請乞符水者並詳此知悉

太上助國救民總真秘要卷之一

第一

八

太上助國救民總真秘要卷之二 對三

洞幽法師元妙宗編

上清北極天心正法斗下靈文符呪

存變遺治訣

凡辟除瘟疫治危病斷傳尸瘴氣制伏狂邪

鬼神破不正符廟並先精潔焚香步綱畢

變神默以虔告上清北極大帝後便步斗

網念斗呪至破軍上念天綱大聖呪彈却

斗訣後以天丁訣直至而行次依四季殿

朝

王皇上帝錄其因依節略事情依式上奏候玉皇敕旨却往某

人家指揮二神將隨後至某人家門外用

變神句呼神將同用上帝及天丁訣存帶

去人為四立功曹六丁六甲將軍當界土地

身要用訣目耳北斗七星局邪訣存北斗

星覆鎮頭上指向前存兩手肘膊臂為一

座斗星畢後步北斗七星入門從貪狼步起以網柄

前指向前至廳上坐存己身為北極驅邪院使

左手執都天大法主印如三天正一真人

服飾交泰冠魚鬚左右存四大天王八大

金剛十二大神子丑寅卯辰巳午未申酉戌亥十二時神六丁

六甲將軍當直日時二功曹然後據事依

法行持

變神訣

凡行持遣救並先變神指本師訣存為驅邪

院使天師服飾二神將日時功曹立於左右說次用上帝訣

變神訣念呪次遣用指上帝訣兩手俱作

叩齒三十六通次步綱如常法微祝曰

授太上法籙弟子具位謹召年神月將六甲

吏兵今日今時直符籙中神將統兵助法神

將一千兵馬直日六丁騎吏兵馬一合下來

行神布氣又叩齒七通呪曰結變神印念變神呪

吾非凡之身頭似黑雲髮如亂星左目如日

右目如月鼻如火鈴耳如金鐘上脣雨師下

脣風伯牙如劍樹十指如功曹救吾左肋岷

山君救吾右肋廬山君救吾左足左雷將軍

救吾右足右電將軍救吾脊骨泰山君三十

六禽二十八宿並應吾身急急如律令

識法中聖像

北極五靈老君玄冠羽服煥然如望日輪中

有帝王髮髯左右侍玉女策之徐徐而侍從